



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2721/11
Sarajevo, 24.2.2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

| | | | |
|------------------------|---------------|------------|--------------|
| PRIMLJENO: 27-02-2012 | | | |
| Organizaciona jedinica | Klasifikacija | Redni broj | Broj priloga |
| | | | |
| 02-50-1-16-8/11 | | | |

PARLAMENTARNA SKUPŠTINA BiH

- Dom naroda -


SARAJEVO

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine, na 2. sjednici održanoj 23.2.2012. godine, utvrdilo je Odgovor na izaslaničko pitanje koje je postavio Mehmed Bradarić, izaslanik u Domu naroda Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja izaslaniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2721/11
Sarajevo, 23.2.2012. godine

Gospodin Mehmed Bradarić, delegat u Domu naroda Parlamentarne skupštine Bosne i Hercegovine, na 8. sjednici Doma naroda održanoj 21.12.2011. godine, postavio je sljedeće delegatsko pitanje:

„Svjetska banka procjenjuje da stanje u Bosni i Hercegovini postaje alarmantno i da bi rast BDP u BiH u idućoj godini mogao biti svega 1%, a situacija bi mogla biti još i gora ako se situacija u Eurozoni proširi. Kako se BiH priprema za vrlo izvjesne negativne efekte krize i da li ima naznaka za nastavkom aranžmana sa MMF-om i Svjetskom bankom?“

Na postavljeno pitanje, Vijeće ministara Bosne i Hercegovine je na 2. sjednici održanoj 23.2.2012. godine, utvrdilo sljedeći

ODGOVOR

Odbor Izvršnih direktora Svjetske banke je dana 04.10.2011.godine prihvatio novu Strategiju partnerstva Svjetske banke u Bosni i Hercegovini (CPS) za period 2012-2015 godinu u okviru koje će se podržati reformski procesi u Bosni i Hercegovini u području poboljšanja konkurentnosti ekonomije, socijalne zaštite i uključenosti najugroženijih kategorija, te održivo korištenje prirodnih resursa. Navedeni dokument odražava zajedničke stavove državnih i entitetskih vlasti.

Strategija CPS je u skladu sa regionalnom strategijom Grupacije Svjetske banke za regiju Evrope i centralne Azije (ECA) i obuhvata: produbljivanje reformi za unapređenje konkurentnosti; reforme socijalnog sektora u cilju inkluzivnog rasta; i klimatske aktivnosti za održiv razvoj.

Tokom razdoblja 2012-2015. godine Bosni i Hercegovini će biti dostupni krediti pod uvjetima IDA-e u iznosu približno 148 miliona USD, kojim će se finansirati investicioni projekti. Trast fondovi – posebno oni koje finansira EU – nadopunjavaće i proširivati obuhvat operacija Grupacije Svjetske banke.

Također, Bosni i Hercegovini će biti dostupna sredstva IBRD-a u iznosu od 100 miliona USD kao podrška strukturalnim reformama, čiji bi cilj bio konsolidacija reformi u sistemu socijalnih davanja u BiH i unapređenje reformi plaća u javnom sektoru i penzija. Osnovni preduvjet budžetske podrške je stabilnost makroekonomskog okvira, usvajanje Globalnog fiskalnog okvira na Fiskalnom vijeću, usvajanje budžeta za 2012. godinu na svim nivoima vlasti i nastavak započetih strukturalnih reformi.

Dodatno pozajmljivanje IBRD-a u iznosu dodatnih 100 miliona USD će se koristiti za podršku trećoj operaciji razvojnih politika koja zavisi od zadovoljavajućeg učinka zemlje, zahtjeva drugih zajmoprimaca IBRD-a, te kapaciteta IBRD-a za pozajmljivanje.

IFC očekuje povećanje financiranja privatnog sektora do nivoa od 80 – 100 miliona USD za finansiranje podrške za konkurentnost i održivi razvoj, putem planiranih aktivnosti – direktnog finansiranja i savjetodavnih usluga - u finansijskom sektoru, agro-biznisu i energetskom sektoru. IFC takođe planira savjetodavne usluge za promovisanje partnerstava javnog i privatnog sektora u infrastrukturnim uslugama i pružanje podrške za unapređenje poslovnog ambijenta u zemlji.

Osnovni uslov za Četvrti pregled Međunarodnog monetarnog fonda po Stand By aranžmanom sa Bosnom i Hercegovinom je postizanje dogovora između entiteta, te entiteta i države o Globalnom fiskalnom okviru za 2011. godinu i posljedičnom raspodjelom prihoda od indirektnih poreza s jedinstvenog računa prihoda. Međunarodni monetarni fond je trebao da razmatra i odobri Četvrti pregled u prvom kvartalu 2011. godine i isti je odgođen zbog neispunjenja preuzetih obaveza države i entiteta Pismom namjere. Neslaganje oko Globalnog fiskalnog okvira i raspodjele prihoda je dovelo do toga da nije moguće puštanje pete tranše od strane Međunarodnog monetarnog fonda u iznosu 135,28 miliona SDR-ova koja bi bila budžetska podrška u entitetima, sa dogovorenim alokacijom.

U cilju ublažavanja posljedica svjetske finansijske i ekonomske krize Vijeće ministara BiH je početkom 2009 godine usvojilo Prijedlog mjera iz nadležnosti Vijeća ministara za ublažavanje utjecaja globalne ekonomske krize na privredu Bosne i Hercegovine. Ove mjere dio su zajedničkog i šireg paketa mjera koje će Vijeće ministara BiH provoditi s entitetskim vladama sukladno svojim nadležnostima. U tom kontekstu na svim nivoima vlasti usvojene su restriktivne mjere s ciljem smanjenja javne potrošnje. Sve vlade su preuzele obavezu održavanja fiskalne discipline u srednjoročnom roku.

Isto tako u cilju povećanja prihoda doneseni su zakoni o povećanju akciza i usklađivanja sa tim vezanim stopama u EU i susjednim zemljama, tako da je uvedena akciza na puteve i autoputeve i povećane ostale akcize na duhan, kafu i naftne proizvode. Isti trend usklađivanja tarifa BiH sa tarifama EU će biti nastavljen.

Jedna od mjera je usmjerena na očuvanje stabilnosti bankarskog sektora i povećanje visine osiguranih depozita sa 20.000,00 KM na 50.000,00 KM, pa je u tom cilju Bosna i Hercegovina sa Evropskom bankom za obnovu i razvoj zaključila Ugovor o garanciji za Kreditnu liniju Agenciji za osiguranje depozita BiH u iznosu od 50,0 miliona eura i isti je operativan.

Isto tako u pogledu realne ekonomije i otežanog finansiranja i poslovanja domaćih privrednih subjekata Bosna i Hercegovina je zaključila dva ugovora i to sa Evropskom investicionom bankom Ugovor o financiranju za Kredit Investiciono-razvojnoj banci Republike Srpske za mala i srednja preduzeća u iznosu od 50,0 miliona eura, kao i Sporazum o zajmu sa Svjetskom bankom (IBRD) za Projekat poboljšanja dostupnosti finansijskih sredstava za mala i srednja preduzeća u iznosu od 70,0 miliona USD.

U cilju da pomogne Bosni i Hercegovini u spoljnom finansiranju i budžetskim potrebama koje su se javile kao posledica snažnog ekonomskog usporavanja, Evropska unija je odobrila 100,0 miliona eura Bosni i Hercegovini kao makroekonomska pomoć, za koje je krajem 2010 godine potpisan ugovor između BiH i EU i isti je efektivan. Uslov za povlačenje prve tranše od 50,0 miliona eura je postizanje zadovoljavajućeg rezultata u provođenju aktuelnog Stand-by aranžmana sa MMF-om.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2722/11
Sarajevo, 27.2.2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

| | | | |
|-------------------------|-----------------------|------------|--------------|
| PRIMLJENO: 27 -02- 2012 | | | |
| Organizaciona jedinica | Klasifikaciona oznaka | Redni broj | Broj priloga |
| 02 | 50-6-16-8 | 8 | 14 |

PARLAMENTARNA SKUPŠTINA BiH

- Dom naroda-

SARAJEVO

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine, na 2. sjednici održanoj 23.2.2012. godine, utvrdilo je Odgovor na izaslaničko pitanje koje je postavio Mladen Ivanić, izaslanik u Domu naroda Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja izaslaniku.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-2722/11

Sarajevo, 23.2.2012. godine

G-din Mladen Ivanić, poslanik u Domu naroda Parlamentarne skupštine Bosne i Hercegovine, na 8. sjednici Doma naroda, održanoj 01. prosinca 2011. godine, postavio je slijedeće poslaničko pitanje:

“Kada je realno očekivati izgradnju mosta na Savi na autoputu Banja Luka – Okučani?”

Na postavljeno poslaničko pitanje, Vijeće ministara Bosne i Hercegovine, u smislu člana 37. Zakona o vijeću ministara Bosne i Hercegovine ("Službenik glasnik BiH", broj 30/03 i 42/03), na 2. sjednici održanoj 13.2.2012. godine, utvrdilo je slijedeće:

ODGOVOR

Glavni projekt mosta preko rijeke Save kod Gradiške, na autocesti Banja Luka – Okučani, radi „IPZ“ d.d. Zagreb, Republika Hrvatska.

Projekt mosta još nije završen i očekuje se da bude gotov do kraja ožujka 2012.godine.

Po okončanju izrade Glavnog projekta potrebno je ishoditi Građevinsku dozvolu i provesti natječaj (međunarodni) za izbor izvođača radova te potpisati Ugovor o izvođenju radova.

Provedba međunarodnog natječaja, za nabavu radova izgradnje mosta i ishođenje Građevinske dozvole i drugih suglasnosti, može trajati između 6 do 12 mjeseci pa je realno očekivati da bi radovi na izgradnji mosta mogli započeti u prvoj polovini 2013.godine.

Napominjemo da su sredstva za izgradnju mosta, sa strane Bosne i Hercegovine, osigurana.